



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Grŵp Cyfeirio Rhanddeiliaid (SRG)
Bwrdd Iechyd Prifysgol Betsi Cadwaladr (BIPBC)

Cofnodion cyfarfod a gynhaliwyd ar 22.3.21
Rhithiol dros Zoom

Yn bresennol:	Cynrychiolydd:
Mr Ffrancon Williams	Darparwyr Tai (Cadeirydd)
Mrs Jackie Allen	Trydydd Sector Wrecsam (AVOW) / Cyngor Iechyd Cymuned Gogledd Cymru (NWCHC)
Ms Clare Budden	Darparwyr Tai (cysgodydd)
Mr Gwilym Ellis Evans	Mantell Gwynedd (Is-Gadeirydd)
Mrs Fiona Evans	Cyngor Gwasanaethau Gwirfoddol Conwy (rhan o'r cyfarfod)
Y Cyng. Christine Marston	Cyngor Sir Ddinbych
Y Cyng. Hilary McGuill	Cyngor Sir y Fflint (rhan o'r cyfarfod)
Y Cyng. Joan Lowe	Cyngor Wrecsam (rhan o'r cyfarfod)
Y Cyng. Dafydd Meurig	Cyngor Gwynedd (rhan o'r cyfarfod)
Yr Athro Robert Moore	Rhwydwaith Cydraddoldeb Rhanbarthol Gogledd Cymru (NWREN)
Ms Kate Newman	Cyngor Gwasanaethau Gwirfoddol Sir y Fflint
Y Cyng. Mike Parry	Un Llais Cymru (rhan o'r cyfarfod)
Mr Trystan Pritchard	Hosbisau Gogledd Cymru
Mr Stephen Williams	Ymddiriedolaeth Gwasanaeth Ambiwlans Cymru
Yn bresennol:	
Mr Mark Wilkinson	Cyfarwyddwr Gweithredol Cynllunio a Pherfformiad
Mrs Katie Sargent	Cyfarwyddwr Cynorthwyol - Cyfathrebu
Mr John Darlington	Cyfarwyddwr Cynorthwyol Cynllunio Corfforaethol (rhan o'r cyfarfod)
Mr Simon Evans-Evans	Cyfarwyddwr Llywodraethu Dros Dro (rhan o'r cyfarfod)
Mr Andrew Kent	Pennaeth Gwella wedi'i Gynllunio Dros Dro PBC (rhan o'r cyfarfod)
Ms Andrea Williams	Pennaeth Rhaglenni Gwybodeg, Sicrwydd a Gwella (rhan o'r cyfarfod)
Ms Diane Davies	Rheolwr Llywodraethu Corfforaethol

Eitem Agenda	Cam gweithredu
S21/1 Croeso ac ymddiheuriadau	
S21/1.1 Dywedodd Cadeirydd y SRG fod Mary Wimbury wedi cwblhau ei hail gyfnod (ac olaf) yn ei swydd fel cynrychiolydd Fforwm Gofal Cymru ac roedd llythyr i ddiolch iddi'n cael ei anfon ymlaen ar ran yr	

aelodau. Yn ogystal, gan fod cyfnodau swyddi cyntaf cynrychiolwyr Allgymorth i Ofalwyr a NEWCIS wedi dod i ben hefyd, roedd camau'n cael eu cymryd i gysylltu â sefydliadau er mwyn canfod cynrychiolwyr ar gyfer y dyfodol. S21/1.2 Dywedodd Cadeirydd y SRG hefyd y byddai cyfnod ei swydd fel Cadeirydd y SRG yn dod i ben ddiwedd mis Ebrill 2021 ac na fyddai'n parhau fel aelod. Clare Budden fyddai cynrychiolydd y Darparwr Tai o 1.5.21. Byddai cyfnod swydd Is-gadeirydd y SRG yn dod i ben ar 30.4.21 a byddai'n parhau fel cynrychiolydd Mantell Gwynedd tan fis Mawrth 2023. S21/1.2 Derbyniwyd ymddiheuriadau oddi wrth Llinos Medi Huws, Y Cyng. Louise Emery, Sian Purcell, Ann Woods yr oedd Kate Newman yn dirprwyo iddi, Andy Burgen NWCHC yr oedd Jackie Allen yn dirprwyo iddo a Liz Wedley WAST yr oedd Steve Williams yn dirprwyo iddi.	DD/MW
S21/3 Nodiadau drafft y cyfarfod a gynhaliwyd ar 14.2.21, materion yn codi a'r cynllun gweithredu cryno Cytunwyd ar y nodiadau yn amodol ar y diwygiad canlynol: Byddai cyfnod swydd Cadeirydd y SRG yn dod i ben ym mis <i>Ebrill</i> 2021, nid mis <i>Mehefin</i> fel y nodwyd.	
S21/4 Cynllunio BIPBC ar gyfer 2021/24 S21/4.1 Soniodd Cyfarwyddwr Gweithredol Cynllunio a Pherfformiad am yr heriau presennol o ran cynllunio oherwydd gofynion y pandemig a'r ymateb i Covid. Cydnabu fod ymgysylltu wedi bod yn anodd oherwydd yr amgylchiadau. Dywedodd Cyfarwyddwr Gweithredol Cynllunio a Pherfformiad fod Llywodraeth Cymru wedi cydnabod y materion hyn ac roedd wedi gofyn i'r holl Fyrddau lechyd baratoi cynllun blwyddyn drafft erbyn diwedd Mawrth 2021, yn cynnwys monitro ar gynnydd chwarterol. Roedd y gallu i gynllunio at adfer yn yr hinsawdd bresennol hefyd yn aneglur a bu effaith sylweddol ar gynllunio a chyllid. S21/4.2 Tynnodd Cyfarwyddwr Gweithredol Cynllunio a Pherfformiad sylw arbennig at adfer gofal wedi'i gynllunio a'r heriau hynny oedd y rhai mwyaf arwyddocaol i'r Bwrdd lechyd. Bellach, roedd 46,000 o gleifion yn aros am apwyntiadau neu driniaethau cleifion allanol ac roedd yn debygol o gymryd rhyw bump neu chwe blynedd i fod yn yr un sefyllfa ag yr oeddem ynddi cyn i'r pandemig godi. Roedd yr holl Fyrddau lechyd yn yr un sefyllfa o ran ceisio adnoddau ychwanegol o'r un ffynhonnell bosibl a oedd wedi bod o dan straen fawr. S21/4.3 Myfyriodd Cadeirydd y SRG ynghylch y terfynau amser adfer difrifol a nifer y cleifion yr effeithiwyd arnynt. Mewn ymateb i'r Cynrychiolydd Hosbisau a gydnabu'r gwelliannau digidol cadarnhaol a	

oedd yn cael eu gwneud, dywedodd Cyfarwyddwr Gweithredol Cynllunio a Pherfformiad y byddai'r Bwrdd Partneriaethau Rhanbarthol a hefyd lechyd Cyhoeddus Cymru yn mesur lechyd y Boblogaeth ac anghydraddoldeb iechyd yn ystod y pandemig. Cydnabu'r heriau sy'n gysylltiedig ag adrodd ar y cymhlethdodau mewn 'termau lleygwr' ond teimlai fod y Bwrdd lechyd yn gwella yn hyn o beth. Cydnabu hefyd y byddai angen mwy o waith gyda phartneriaid er mwyn osgoi ychwanegu cleifion at restrau aros trwy ddefnyddio ymyriadau eraill neu eu datblygu.

S21/4.4 Mewn ymateb i gynrychiolwyr darparwyr Tai Cysgodol, dywedodd Cyfarwyddwr Gweithredol Cynllunio a Pherfformiad fod datblygiadau cadarnhaol a gyflwynwyd yn ystod y pandemig yn cael eu hystyried ar draws Gogledd Cymru ac yn cael eu cadw neu eu cymhwyso ar draws y rhanbarth - rhoddodd ychydig o enghreifftiau da o hyn o ran defnyddio datrysiadau digidol. Ni allai sôn p'un a oedd cymryd risgiau wedi cynyddu mewn ymateb i'w hawgrym bod ymatebion sefydliadol o bosibl wedi golygu bod angen mwy o benderfyniadau ystwyth, llai o anhyblygrwydd o ran prosesau a defnyddio dirprwyo i raddau helaethach.

S21/4.5 Mewn ymateb i gynrychiolydd Cyngor Sir Ddinbych mewn perthynas â cholledion ôl-ddilynol o ran yr Ysbytai Enfys sydd wedi'u dadgomisiynu, esboniwyd bod trafodaeth yn cael ei chynnal gyda'r landlordiaid perthnasol ynghylch dadgomisiynu a chydabuwyd hefyd, oherwydd rheolau'r cyfnod clo, na fyddai rhai o'r lleoliadau wedi gallu gweithredu yn ystod y cyfnod. O ran staff gofal wedi'i gynllunio, cydnabu Cyfarwyddwr Gweithredol Cynllunio a Pherfformiad faterion sylweddol o ran argaeledd a blinder staff, gan ddweud y byddai angen i PBC weithio mewn ffyrdd gwahanol i fynd i'r afael â'r heriau mawr o'i flaen.

S21/4.6 Mewn ymateb i gynrychiolydd Un Llais Cymru, dywedwyd nad oedd unrhyw gynllunio atodol pe bai firws newydd (Covid-20) yn codi, ond roedd brechiadau torfol yn cael eu cynllunio ar gyfer y dyfodol.

S21/4.7 Mewn ymateb i gynrychiolydd NWCHC/AVOW, cadarnhawyd bod PBC yn cyflwyno ymateb mewn perthynas â'r Ymgynghoriad ar Bapur Gwyn Llywodraeth Cymru 'Ailgydbwyso Gofal a Chymorth'

S21/4.8 Cytunodd Cyfarwyddwr Gweithredol Cynllunio a Pherfformiad i rannu mwy o fanylion am fuddsoddi cylchol tair blynedd Llywodraeth Cymru mewn lechyd Meddwl gyda chynrychiolydd Cyngor Gwirfoddol Lleol Sir y Fflint yn dilyn y cyfarfod.

Yn fyr,

- gwnaeth y SRG gydnabod yn glir yr heriau sydd ynghlwm wrth adfer gofal wedi'i gynllunio a'r pwyslais ar drawsnewid gwasanaethau a oedd ei angen i fynd i'r afael â hyn ynghyd â dysgu o fentrau a

MW

gyflwynwyd i fynd i'r afael â ffyrdd gwahanol o weithio yn ystod y pandemig. • gwnaeth y SRG gydnabod heriau gwirioneddol o ran sicrhau adnoddau ar gyfer y cynllun, yn enwedig mewn rhannau o'r gweithlu lle'r oedd staff yn flinedig ac y byddai angen amser adfer, ynghyd â heriau recriwtio y byddai Byrddau Iechyd eraill sy'n cyffinio â PBC yn eu hwynebu a cheisio argaeledd tebyg o adnoddau.	
S21/5 Cyflwyno Rhaglen Frechu rhag Covid-19 S21/5.1 Amlinellodd cyflwyniad Pennaeth Gwelliannau Gofal wedi'i Gynllunio Dros Dro PBC y dangosfwrdd presennol o ystadegau a rhoddodd ddiweddariad cryno ar y sefyllfa o 19.3.21: • Gwnaeth y rhaglen frechu gyflawni'r garreg filltir genedlaethol gyntaf o ran carfanau 1-4 ar 15/02/2021 a oedd wedi codi i 93% erbyn hyn. • O 15 Mawrth, roedd cyfanswm o 61,437 o frechiadau ail ddos wedi'u rhoi yn y canolfannau brechu torfol a chanolfannau brechu ysbytai. • Roedd y gadwyn ddosbarthu brechiadau'n fwy sefydlog erbyn hyn ac roedd wedi symud i gylch dosbarthu o 3-4 wythnos, gan ganiatáu i'r system trefnu apwyntiadau fod yn fwy sefydlog. • Wedi sefydlu Grŵp Gorchwyl a Gorffen Tegwch gan gytuno ar bum blaenoriaeth allweddol yn ymwneud â grwpiau nad ydynt yn cael eu cynrychioli'n ddigonol (e.e. y digartref). • Roedd y broses o drefnu apwyntiadau wedi gwella'n dilyn y gweithdy ar ganolfannau galwadau. • Cynlluniau Ardal – Cyfarfodydd Gwirio a Herio i ystyried Cynllun Llywodraeth Cymru ar gyfer Cyfnod 5-9, dos cyntaf erbyn canol Ebrill 2021. S21/5.2 Yn ogystal, dywedwyd wrth y SRG fod 350,978 o frechiadau wedi'u rhoi a'r disgwyl oedd y byddai grwpiau blaenoriaeth 1-9 yn cael eu brechu erbyn diwedd Ebrill pan fyddai'r rhaglen ar gyfer y sawl o dan 50 oed yn dechrau. Disgrifiodd yr heriau sydd ynghlwm wrth gydbwyso triongl Dosbarthu Brechlynnau/Gweithlu Brechlynnau/Trefnu cynnig brechlyn. Er bod dros 50% o ddinasyddion wedi cael eu brechu hyd yma, rhannodd yr heriau sydd ynghlwm wrth dargedu grwpiau anodd eu cyrraedd ac ymgynullodd y grŵp gorchwyl a gorffen i wella lefelau derbyn ymysg y grwpiau hyn sydd wedi'u tangynrychioli. Roedd Pennaeth Gwella Gofal wedi'i Gynllunio Dros Dro yn falch o ddweud bod lefelau derbyn brechiadau wedi'u gwasgaru'n gyfartal ar draws Gogledd Cymru, yn enwedig o ystyried demograffeg wledig, ac uchelgais PBC oedd y byddai'r holl ddinasyddion yng Ngogledd Cymru yn derbyn triniaeth erbyn diwedd Gorffennaf 2021. S21/5.3 Mewn ymateb i gynrychiolydd Cyngor Sir y Fflint, nodwyd bod PBC yn cydnabod y materion a godwyd mewn perthynas â'r llythyrau gwahoddiadau brechu gorgymhleth a oedd wedi'u creu gyda System Genedlaethol Imiwneiddio Cymru - ac roedd gwelliannau'n cael eu datblygu'n lleol ynghyd â chyflwyno cynllun peilot trwy neges destun yn dechrau'r wythnos ganlynol.	

S21/5.2.4 Tynnodd cynrychiolydd AVOW/NWCHC sylw at bryder, ar ran aelodau oedrannus ac sy'n agored i niwed ym mhoblogaeth Gogledd Cymru, ynghylch y gost bosibl sydd ynghlwm wrth alwadau sy'n aros yn hir i linell frechu 0300. Ar ôl esbonio gwelliannau posibl yn y dyfodol i byrth cleifion a dysgu sydd i'w gael gan bartneriaid o ran gweithredu canolfannau galwadau, ymrwymodd Pennaeth Gwella Gofal wedi'i Gynllunio Dros Dro i edrych i mewn i hyn ymhellach.	AK
S21/5.5 Derbyniodd Pennaeth Gwella Gofal wedi'i Gynllunio Dros Dro awgrym cynrychiolydd NWREN yn ymwneud â datblygu clipiau posibl yn y cyfryngau gan weithwyr gofal iechyd Pwylaidd a Tsieiniaidd, yn debyg i weithwyr Mwslimaidd yn PBC yn ddiweddar, er mwyn cyrraedd mwy o ddinasyddion nad Cymraeg na Saesneg yw eu hiaith gyntaf. Awgrymodd cynrychiolydd Cyngor Sir y Fflint y gellid cyflwyno canolfannau brechu dros dro hefyd ar safleoedd ffatrioedd mawr y deallir eu bod yn cyflogi niferoedd mawr o weithwyr o Ddwyrain Ewrop.	AK
S21/5.6 Rhoddodd Pennaeth Gwella Gofal wedi'i Gynllunio Dros Dro sicrwydd fod gwaith yn parhau i ddysgu o arferion da yn y Bwrdd Iechyd ac yn allanol. Cytunodd i fynd ar drywydd hyn gyda chynrychiolydd y darparwr Tai Cysgodol gan ystyried y posibilrwydd o roi cynigion brechu trwy nifer o gartrefi digartref a gofal yr oedd y darparwr a darparwyr tai eraill yn eu rheoli.	
Yn fyr, • gwnaeth y SRG argymhell, o ystyried maint PBC, y dylai'r Bwrdd a'i bartneriaid geisio dylanwadu ar gyfathrebu â Llywodraeth Cymru mewn perthynas â rhoi newid ar waith yn gyflymach ac mewn ffordd fwy gwydn (e.e. symleiddio llythyrau apwyntiadau), o ystyried natur yr amgylchedd cyfnewidiol • gwnaeth y SRG fyfrio bod gwella cyfathrebu'n allweddol i wasanaethu poblogaeth Gogledd Cymru • gwnaeth y SRG gydnabod eiddilwch adnoddau presennol PBC o ran canolfannau galwadau • gwnaeth y SRG annog y Bwrdd Iechyd i ofyn am gymorth gan bartneriaid a oedd yn gweithredu'r canolfannau galwadau presennol yn lleol e.e. Awdurdodau Lleol a Darparwyr Tai • gwnaeth y SRG argymhell y dylai'r Bwrdd ymchwilio i gostau galwadau i gleifion ac ansawdd y gwasanaeth 0300 sy'n cael ei ddarparu er mwyn sicrhau na fyddai dinasyddion sy'n agored i niwed yn ofni costau galwadau fideo sy'n afresymol o ran y gwasanaeth apwyntiadau • gwnaeth y SRG annog y Bwrdd Iechyd i ddefnyddio darparwyr gwasanaethau mewn sectorau eraill er mwyn cysylltu â grwpiau anodd eu cyrraedd e.e. darparwyr tai / y digartref • gwnaeth y SRG annog y Bwrdd Iechyd i ystyried cyfathrebu â phoblogaethau yng Ngogledd Cymru nad Cymraeg na Saesneg oedd eu hiaith gyntaf ac ystyried gofyn i staff Pwylaidd a Tsieiniaidd fod yn rhan o ymgyrchoedd PBC ar gyfer y cyfryngau	

S21/6 Diweddariad ar Ymgysylltu â Strategaeth Ddigidol

S21/6.1 Ymunodd Pennaeth Rhaglenni Sicrwydd a Gwella Gwybodeg â'r cyfarfod i gyflwyno'r eitem hon a oedd yn dilyn cyfarfod blaenorol. Roedd yn falch o roi gwybod bod cyngor blaenorol ar allgau digidol yn cael ei ddatblygu trwy Gyfathrebu Digidol Cymru a'r Uned Cyfathrebu Digidol.

S21/6.2 Roedd Pennaeth Rhaglenni Sicrwydd a Gwella Gwybodeg yn falch o roi gwybod bod lefel dda o ymatebion wedi'i derbyn. Fodd bynnag, cydnabu fod cyrraedd y rhai sydd wedi'u hallgau'n gymdeithasol wedi bod yn heriol yn ystod y pandemig a byddai angen ymgysylltu pellach yn hyn o beth. Roedd yr adroddiad terfynol eto i'w gyhoeddi, ond roedd cyflwyniad yr aelodau'n rhoi ychydig o ganfyddiadau thematig allweddol mewn perthynas â staff, y cyhoedd, cleifion a gofalwyr. Amlinellwyd uchelgeisiau, galluogwyr, risgiau a'r camau nesaf hefyd, gan nodi bod disgwyl i'r Strategaeth gael ei hystyried i gael ei chymeradwyo gan y Bwrdd yn ei gyfarfod ar 21.5.21.

S21/6.3 Mewn perthynas â phroses Asesu Effaith Cydraddoldeb, ymrwymodd i adolygu ystyriaeth o ran dyletswydd economaidd-gymdeithasol PBC ac esboniodd mai dull sgrinio cychwynnol oedd y ddogfen a ddarparwyd, er bod EQIA eto i'w gynnal. Cafwyd trafodaeth bellach ynghylch allgau digidol lle gwnaeth aelodau godi pryderon ynghylch rhai grwpiau oedran a diffyg hyder gyda dyfeisiau technegol.

S21/6.4 Cydnabu Pennaeth Sicrwydd a Gwella Rhaglenni Gwybodeg fod seilwaith digidol yn wahanol ar draws Gogledd Cymru mewn ymateb i gynrychiolydd AVOW/NWCHC ac o ran cadernid maint y sampl, dywedodd fod hwn yn ddigonol at y dibenion presennol, ond byddai gwaith pellach yn cael ei wneud.

S21/6.5 Holodd cynrychiolydd Cyngor Wreccsam ynghylch cryfder cynnwys partneriaethau strategol a chysylltiadau â rhaglenni iechyd Awdurdodau Lleol i sicrhau profiad gwell i gleifion. Gwnaeth Pennaeth Rhaglenni Sicrwydd a Gwella Gwybodeg dynnu sylw at rai enghreifftiau, ond pwysleisiodd y byddai'n hollbwysig i gynllunio ar y cyd ddigwydd er mwyn symud ymlaen.

Yn fyr,

- gwnaeth y SRG amlygu'r angen i barhau i weithio ar faterion yn ymwneud ag allgau digidol e.e. yr Henoed a lle nad Cymraeg na Saesneg oedd iaith gyntaf y claf
- roedd y SRG o'r farn bod angen gwaith pellach i ddatblygu asesiad o effaith cydraddoldeb ystyrion a symud ymlaen o ran y grwpiau dan anfantais a ganfuwyd
- y dylai'r SRG sicrhau bod dyletswydd economaidd-gymdeithasol PBC wedi'i hystyried yn effeithiol
- bod angen cysylltu â phartneriaid allweddol er mwyn bod 'yn gryfach gyda'n gilydd ar sail ranbarthol'

AW

S21/7 Fframwaith Gwella Ymyrraeth wedi'i Thargeddu (TIIF) / Matricsau Aeddfedrwydd S21/7.1 Rhoddodd Cyfarwyddwr Llywodraethu Dros Dro gyflwyniad ar TIIF. Esboniodd, er bod Llywodraeth Cymru wedi isgyfeirio PBC o fesurau arbennig, fod y sefydliad wedi cael statws ymyrraeth wedi'i thargeddu erbyn hyn. Roedd fframwaith wedi'i ddarparu gan y Gweinidog ar ddechrau mis Mawrth, roedd meysydd pryder a amlygwyd gan Lywodraeth Cymru yn cynnwys • Iechyd Meddwl (oedolion a phlant) • Strategaeth, cynllunio a pherfformiad • Arweinyddiaeth (llywodraethu, trawsnewid a phartneriaid) • Ymgysylltu (cleifion, y cyhoedd, staff a phartneriaid) S21/7.2 Yn fyr, roedd cyflwyniad Cyfarwyddwr Llywodraethu Dros Dro yn cynnwys • Matricsau Aeddfedrwydd a ddefnyddiwyd i fesur cynnydd o ran gwelliannau yn y sefydliad • Roedd y pedwar parth yn feysydd o bryder gan Lywodraeth Cymru - roedd y prif elfennau a phriodweddau i PBC eu diffinio a chytuno arnynt gyda Llywodraeth Cymru • Byddai hunanasesiad dangosol deufisol yn cael ei gynnal gan yr Uwch Swyddog Cyfrifol (SRO) ac yn cysylltu ag Aelod Annibynnol o'r Bwrdd • Dyblu proses sicrwydd ar allbynnau a chanlyniadau h.y. tystiolaeth o gamau gweithredu a thystiolaeth o effaith • Byddai hunanasesiad cychwynnol yn cael ei gwblhau ym mis Mai 2021 i'w gyflwyno yng nghyfarfod y Bwrdd • Bydd derbyn lefel 3 gadarn / lefel 4 ymylol ym mhob parth yn annog Llywodraeth Cymru i israddio'r fframwaith TI • Wedi derbyn o leiaf 18 mis i gyflawni a dangos arfer wedi'i ymgorffori ar lefel 3 uchel, lefel 4 isel (dyddiad targed dangosol o fis Tachwedd 2023) S21/7.3 Mewn ymateb i gwestiwn gan gynrychiolydd darparwyr Tai Cysgodol yn ymwneud â sut gallai'r SRG roi cymorth o ran cryfhau'r parth ymgysylltu yn enwedig gan fod y grŵp yn arbennig o addas i gael ei gynnwys o ystyried aelodaeth y sefydliadau partner dan sylw ac y gallai fod yn hollbwysig fel maes cryf. Cafwyd trafodaeth ynghylch ymgysylltu, lle gwnaeth Cyfarwyddwr Llywodraethu Dros Dro ddatgan y byddai'n disgwyl i grwpiau cynghorol gael eu defnyddio o fewn y matrics a oedd yn cael ei ddatblygu a myfyriodd ynghylch budd gwirio synnwyr ac ymgysylltu mewn ffordd ystyrlon. Myfyriodd Cadeirydd y SRG ei fod yn faes gwaith allweddol lle y dangoswyd y gallai cyflawni 10% yn fwy o ymgysylltu arwain at welliant decplyg a'i fod yn ymwybodol bod Prif Swyddog Gweithredol PBC yn gweld ymgysylltu'n effeithiol fel maes hynod bwysig. Pwysleisiodd Cyfarwyddwr Gweithredol Cynllunio a Pherfformiad bwysigrwydd ymgysylltu'n effeithiol â staff, y cyhoedd,	
--	--

partneriaid a chleifion. Rhoddodd wybod y byddai PBC yn adnewyddu Strategaeth Byw'n Iach, Aros yn Iach 2018 a bod gwaith Datblygu'r Sefydliad yn symud ymlaen. S21/7.4 Roedd cynrychiolydd Cyngor Wrecsam yn awyddus i weld mwy o fanylion ar gyfer y dyfodol mewn perthynas â gwaith mewn partneriaeth ac ymgysylltu. Dywedodd cynrychiolydd NWREN y gallai NWREN roi cymorth o ran creu cysylltiadau â rhai dinasyddion anodd eu cyrraedd, ond byddai goblygiadau o ran cost oherwydd argaeledd adnoddau. S21/7.5 Roedd cynrychiolydd Cyngor Sir y Fflint yn bryderus nad oedd y ddogfen yn cynnwys digon o gyfeiriadau at gleifion, gwnaeth hi a'r cynrychiolydd AVOW/NWCHC fyfyrion ynghylch pwysigrwydd gwrandao ar gleifion i ymgysylltu â nhw'n effeithiol. S21/7.6 Derbyniodd Cyfarwyddwr Llywodraethu Dros Dro y sylwadau a roddwyd a chroesawodd y cyfle i gyflwyno i gyfarfod o'r SRG yn y dyfodol wrth i'r matrices gael ei ddatblygu ymhellach. Yn fyr, • gwnaeth y SRG groesawu rôl y SRG o ran cryfhau ymgysylltu ar gyfer y dyfodol • gwnaeth y SRG fyfyrion ynghylch pwysigrwydd creu cysylltiadau â phartneriaid yn rheolaidd • gwnaeth y SRG bwysleisio pwysigrwydd atgyfnerthu'r pwyslais parhaus ar y claf yn ystod proses y fframwaith TI	
S21/8 Fersiwn ddrafft Adroddiad Blynnyddol y SRG 2021/21 Ni roddwyd gwybod am unrhyw ddiwygiadau. Nodwyd bod cyswllt yn cael ei wneud gyda sefydliadau yr oedd cyfnodau eu swyddi fel cynrychiolwyr yn dod i ben er mwyn ceisio enwebiadau eraill. Gwnaeth y SRG gefnogi adroddiad blynnyddol y Pwyllgor.	
S21/9 Proses ethol Cadeirydd ac Is-gadeirydd S21/9.1 Tynnodd Cyfarwyddwr Gweithredol Cynllunio a Pherfformiad sylw at yr amserlen a amlinellwyd mewn perthynas â'r broses ac anogodd aelodau i roi terfynau amser ar gyfer cyflwyno yn eu dyddiaduron. Tynnodd sylw hefyd at yr ymrwymiad amser a oedd ei angen. Nodwyd gan fod Cadeirydd y SRG yn aelod cysylltiol o'r Bwrdd, bod y penodiad parhaol yn amodol ar gymeradwyaeth Gweinidogion cyn y gallai'r enwebai llwyddiannus fynyachu cyfarfodydd o'r Bwrdd. S21/9.2 Gwnaeth Cadeirydd y SRG annog aelodau i ystyried enwebu eu hunain. Soniodd ei fod wedi mwynhau'r profiad ac iddo fod yn un cyfoethog, yn enwedig cyfarfodydd o'r Bwrdd. Diolchodd am gymorth yr Is-gadeirydd, y Gweithredwr Arweiniol a'r ysgrifenyddiaeth yr oedd wedi'i	

derbyn trwy gydol cyfnod ei swydd. Roedd Cadeirydd y SRG yn arbennig o awyddus i nodi bod y Bwrdd yn wynebu cyfnod heriol ond cyffrous iawn a'i fod yn falch bod eraill yn gwrando ar adborth y SRG. S21/9.3 Diolchodd aelodau i Gadeirydd y SRG am ei ymrwymiad, prydlondeb, effeithlonrwydd ac arweinyddiaeth trwy gydol cyfnod ei swydd, a hefyd i'r Is-gadeirydd am ei gymorth. S21/9.4 Diolchodd Cyfarwyddwr Gweithredol Cynllunio a Pherfformiad i Is-gadeirydd y SRG am ei gymorth ac i Gadeirydd y SRG am ei gyngor doeth a'i gadeiryddiaeth ardderchog o ran y Grŵp Cyngorol.	
S21/10 Nodyn cyngorol i gyfarfod y Bwrdd 28.9.20 S21/10.1 Cafodd yr adroddiad groeso cadarnhaol gan y Bwrdd yn ei gyfarfod ar 21.1.21 ac roedd y rhan o'r cofnodion isod yn adlewyrchu ystyriaeth y Bwrdd o adroddiad Cadeirydd y SRG: <i>"21/11.7 Cafodd adroddiad y Grŵp Cyfeirio Rhanddeiliaid (SRG) a gynhaliwyd ar 14.12.20 ei dderbyn a'i nodi gyda Chadeirydd y Grŵp Cyngorol yn amlygu pryderon y SRG ynghylch yr angen i roi sicrwydd i'r cyhoedd o ran manteisio ar wasanaethau gofal iechyd mewn lleoliadau ysbyty ac mewn gofal cychwynnol. Teimlai Cadeirydd yr SRG fod angen gwell cynllun cyfathrebu a nododd y Prif Weithredwr y byddai hyn yn derbyn sylw trwy'r weithred gynharach a gytunwyd o dan eitem 21/9. O ran gwasanaethau gofal cychwynnol, cadarnhawyd nad oedd ymgynghoriadau wyneb yn wyneb erioed wedi dod i ben."</i> S21/10.2 Pwysleisiodd cynrychiolydd Un Llais Cymru yr angen i fod yn ymwybodol o'r angen am ymgynghoriadau wyneb yn wyneb, yn enwedig i ddinasyddion ar draws Gogledd Cymru nad oeddent yn gallu defnyddio technoleg ddigidol, gan ddatblygu brysbennu digidol yn y dyfodol.	
S21/11 Eitemau i'w hystyried yn y cyfarfod nesaf a'r blaengynllun S21/11.1 Yn dilyn trafodaeth, awgrymodd y SRG y meysydd canlynol • Diweddariad ar Gynllun Tair Blynedd / Cynllunio Corfforaethol PBC • Achosion busnes yn cael eu datblygu • Roedd pwyslais ar y meysydd canlynol i gael ei amserlennu i Gylch Busnes 2021/2 ○ Gofal wedi'i Gynllunio (Dyddiad i'w bennu) ○ Buddsoddi mewn Iechyd Meddwl (Dyddiad i'w bennu) ○ Gwella (Dyddiad i'w bennu) ○ Ymgysylltu Digidol ym mis Mawrth 2022 S21/11.2 Gofynnodd cynrychiolydd Cyngor Sir Ddinbych gwestiwn am feysydd parcio ychwanegol posibl yn natblygiad Ysbyty Brenhinol Alexandra a chytunodd Cyfarwyddwr Gweithredol Cynllunio a Pherfformiad i edrych i mewn i hyn ac i roi adborth i'r aelod.	MW MW

S21/12 Dyddiad y cyfarfod nesaf	
28.6.21 dros Zoom	
Roedd aelodau'r SRG yn gefnogol iawn o ran defnyddio Zoom ar gyfer cyfarfodydd yn y dyfodol, yn hytrach na llwyfannau rhithiol eraill.	

Cofrestr Bresenoldeb

Enw	Teitl / Sefydliad	3.3.20	22.6.20	28.9.20	14.12.20	22.3.21
Mr Ffrancon Williams	Darparwyr tai (Cadeirydd)	✓	✓	✓	✓	✓
Mr Gwilym Ellis Evans	Mantell Gwynedd (Is-gadeirydd)	✓	✓	x	✓	✓
Y Cynghorydd Llinos Medi Huws	Cyngor Sir Ynys Môn	x	x	x	x	x
Y Cyng. Louise Emery	Cyngor Sir Conwy	x	x	x	✓	x
Y Cyng. Christine Marston	Cyngor Sir Ddinbych	✓	✓	✓	✓	✓
Y Cyng. Hilary McGuill	Cyngor Sir y Fflint	x	✓	✓	✓	✓
Y Cyng. Dafydd Meurig	Cyngor Gwynedd	x	x	x	x	✓
Y Cyng. Joan Lowe	Cyngor Sir Wrecsam	✓	✓	✓	x	✓
Y Cyng. Mike Parry	Un Llais Cymru	✓	✓	✓	✓	✓
Mrs Sian Purcell	Cyngor Gwasanaethau Gwirfoddol Medrwn Môn	x	✓	✓	✓	x

Mrs Fiona Evans	Cyngor Gwasanaethau Gwirfoddol Conwy	✓	✓	✓	✓	✓
Mrs Debbie Thompson	Cyngor Gwasanaethau Gwirfoddol Sir Ddinbych	✓	✓ SH	x	x	x
Mrs Ann Woods / Mrs Millie Boswell / Kate Newman	Cyngor Gwasanaethau Gwirfoddol Sir y Fflint	✓	✓	✓ MB	✓	✓KN
Mrs Jackie Allen	Trydydd Sector AVOW Wreccsam	x	✓	✓	✓	✓
Ms Claire Sullivan	NEWCIS	x	x	x	x	x
Mrs G Winter	Ymddiriedolaeth y Gofalwyr	x	x	x	x	x
Ms Llinos M Roberts	Gwasanaeth Allgymorth Gofalwyr, Ardal Gorllewin BIPBC	x	✓	✓	x	x
Mrs Mary Wimbury	Fforwm Gofal Cymru	✓	✓	✓	x	
Yr Athro Robert Moore	Rhwydwaith Cydraddoldeb Rhanbarthol Gogledd Cymru	x	✓	✓	✓	✓
Mr Trystan Pritchard	Hosbisau Gogledd Cymru	✓	✓	x	✓	✓
Ms Clare Budden	Darparwyr Tai Cysgodol				✓	✓
Mr Wayne Davies	Ymddiriedolaeth Gwasanaeth Ambiwylans Cymru	x	x	✓	✓ SW	✓SW
Mrs Jackie Allen / Mr Andy Burgen	Cadeirydd NWCHC / Is-gadeirydd NWCHC	✓GH	✓PR	✓ AB	✓AB	✓JA
Mr Mark Wilkinson	Cyfarwyddwr Cynllunio a Pherfformiad, BIPBC – Gweithredwr Arweiniol PBC	✓	✓	✓	✓	✓
Mrs Sally Baxter	Cyfarwyddwr Cynorthwyol Strategaeth Iechyd, BIPBC	x	✓	x	x	x
Mrs Katie Sargent	Cyfarwyddwr Cynorthwyol - Cyfathrebu, BIPBC	x	✓	✓	✓	✓